

Na osnovu člana 16. stava 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva za boračka pitanja, Vlada Zeničko-dobojskog kantona, na 15. sjednici, održanoj dana 11.04.2023. godine, d o n o si

ZAKLJUČAK

I.

Prima se na znanje Informacija o realizaciji Programa podsticaja zapošljavanja i samozapošljavanja pripadnika branilačke populacije za 2022. godini, Ministarstva za boračka pitanja.

II.

Informacija iz tačke I. ovog zaključka, nalazi se u prilogu i čini sastavni dio ovog zaključka.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 11.04.2023. godine

Z e n i c a

DOSTAVLJENO:

1x Ministarstvo za boračka pitanja,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA BORAČKA PITANJA**

INFORMACIJA

**o realizaciji Programa podsticaja zapošljavanja i samozapošljavanja pripadnika
branilačke populacije u 2022. godini**

Zenica, april 2023. godine

I. UVOD

Rješavanje egzistencijalnih pitanja pripadnika branilačke populacije, kao i poboljšanje kvaliteta života, važan je zadatak i obaveza struktura vlasti na svim nivoima.

Programi podsticaja zapošljavanju i samozapošljavanju u tom smislu, važan su programski zadatak i pravo čijom realizacijom se doprinosi poboljšanju ukupnih socijalno-ekonomskih prilika kako u lokalnim zajednicama, tako i na području Zeničko-dobojskog kantona (u daljem tekstu: Kanton) u cjelini.

U kontinuitetu od 2016. god. putem Ministarstva za boračka pitanja Kantona (u daljem tekstu: Ministarstvo) uspješno se realizuju programi i projekti ove vrste na obostrano zadovoljstvo svih učesnika projekata, a posebno krajnjih korisnika pripadnika branilačke populacije.

Iz tih razloga, isto je utvrđeno i definisano Poglavljem IV Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14), a kao dopunsko pravo na osiguranje povoljnijih uvjeta za zapošljavanje.

Dugogodišnjom i kontinuiranom realizacijom ovakve vrste programa omogućeno je zapošljavanje/samozapošljavanje svih kategorija branilaca i članova njihovih porodica (prema internim pokazateljima zaposleno je preko 600 lica).

Kao dobra praksa Program podsticaja zapošljavanju i samozapošljavanju uspješno je realizovan i u prethodnoj budžetskoj 2022.god., što je i predmet Informacije u nastavku.

II. NORMATIVNO REGULISANJE/ pravni osnov

Predmetno pravo definisano je važećim federalnim, kao i kantonalnim propisima iz oblasti branilačko-invalidske zaštite, kako slijedi:

- Zakon o pravima branilaca i članova njihovih porodica ("Službene novine Federacije Bosne i Hercegovine" broj: 33/04, 44/05, 56/05, 70/07, 9/10, 95/13, 90/17 i 29/22);
- Zakon o dopunskim pravima branilaca i članova porodica ("Službene novine Zeničko-dobojskog kantona" broj: 1/14);

Kao i Programima podsticaja zapošljavanju/samozapošljavanju pripadnika branilačke populacije Kantona, koje za svaku budžetsku godinu na prijedlog Ministarstva donosi Vlada Kantona, a u 2022. god. to je:

- Program podsticaja zapošljavanja pripadnika branilačke populacije Zeničko-dobojskog kantona putem zapošljavanja u pravnim licima Ministarstva za boračka pitanja broj: 02-30-3535/22 od 04.03.2022. godine;
- Program podsticaja samozapošljavanja pripadnika branilačke populacije Zeničko-dobojskog kantona Ministarstva za boračka pitanja broj: 02-11-3536/22 od 04.03.2022. godine;

III. REALIZACIJA PROGRAMA PODSTICAJA ZAPOŠLJAVANJA/SAMOZAPOŠLJAVANJA U 2022.GOD.

Programi podsticaja zapošljavanju/samozapošljavanju putem ovog Ministarstva, kao sredstva podsticaja namjenjena za isplatu troškova i naknada pravnim licima vezanim za zapošljavanje pripadnika branilačke populacije, odnosno sufinansiranje dijela troškova i naknada vezanih za pokretanje predloženih poslovnih aktivnosti pripadnika branilačke populacije, kao i unapređenje postojećih poslovnih djelatnosti pokrenutih prema ranijim programima Ministarstva realizuju se u kontinuitetu od 2016.god., kao što je naprijed i navedeno.

Naime, prvi (pionirski) koraci ovakvih podsticajnih mjera su još iz 2015. god., kada je Ministarstvo sufinansiralo nabavku sadnica malina (bilo je uspješno, ali i ograničavajuće, obzirom na fokusiranje poticaja samo na poljoprivredu djelatnost), ali istovremeno pokazatelj opredjeljenost branilačke populacije da samostalno osigura vlastito

zapošljavanje/samozapošljavanje. Iz tih razloga učinjen je pomak i proširivanje dodjele sredstava podsticaja i na druge proizvodne i uslužne djelatnosti.

Programi podsticaja zapošljavanja i samozapošljavanja Ministarstva razvijeni su i razvijani direktno po zahtjeva pripadnika branilačke populacije, kao potreba i rezultat:

- jasnog opredjeljenja Vlade Kantona o podsticaju razvoja privrede;
- osiguranja sredstava na razdjelu Ministarstva za navedenu namjenu;
- analize provedenih programa i projekata podsticajnih mjera zapošljavanja i samozapošljavanje pripadnika branilačke populacije Ministarstva iz prethodne godine;
- analize prijedloga, podnesaka, molbi i zahtjeva pripadnika branilačke populacije iz prethodnih godina za pomoć/podsticajna sredstva kojima bi započeli, održali ili potakli vlastitu proizvodnju te osigurali kako svoju tako i egzistenciju svojih porodica;

Usvajanjem Budžeta Zeničko-dobojskog kantona za 2022. godinu ("Službene novine Zeničko-dobojskog kantona" broj: 1/22 i 14/22) na transferu Ministarstva razdjel 24, budžetska organizacija 01, potrošačka jedinica 0001, ekonomski kod 614200-„Tekući trnsferi pojedincima“ subanalitika OAD 222 - Transfer za podsticaj zapošljavanja branilaca i članova njihovih porodica planirana su sredstava za navedenu namjenu.

Program utroška sredstava iz Budžeta Kantona za 2022. godinu planiranih na razdjelu Ministarstva za boračka pitanja usvojen Zaključkom Vlade broj: 02-11-12015/22 od 04.08.2022. godine (u daljem tekstu. Program), kojim je stavljen van snage Program utroška sredstava Budžeta Kantona za 2022.god. planiranih na razdjelu Ministarstva broj: 02-11-1196/22 od 20.01.2022.god. *opredjeljena su novčana sredstava u ukupnom iznosu od 1.000.000,00 KM*, odnosno članom 3. tačka k) Programa definisan je/sačinjen je okvirni pregled raspodjele sredstava transfera prema namjeni i to:

- Program podsticaja zapošljavanja pripadnika branilačke populacije putem zapošljavanja u pravnim licima u iznosu od..... 140.000,00KM;
- Program podsticaja samozapošljavanja pripadnika branilačke populacije u iznosu od750.000,00KM;
- Sufinansiranje edukacija i stručne literature kao podrška samozapošljavanju u iznosu od5.000,00 KM;
- Programi podsticaja zapošljavanja FBiH (saradnja) u iznosu od100.000,00 KM; i
- Finansiranje drugih mjera podsticaja u cilju egzistencijalnog obezbjeđenja u iznosu od 5.000,00 KM

Navedena raspodjela je okvirnog karaktera i Ministarstvo je zadržalo pravo izmjene raspodjele sredstava u slučaju povećanog broja zahtjeva po jednom Programu, praćeno manjim brojem zahtjeva po drugim programima.

- U nastavku iznosimo pregled aktivnosti na utrošku sredstava sa transfera za navedenu namjenu po Programu podsticaja zapošljavanja FBiH (saradnja), Finansiranje drugih mjera podsticaja (mimo Javnog poziva), a potom i aktivnosti na realizaciji Program podsticaja zapošljavanja pripadnika branilačke populacije putem zapošljavanja u pravnim licima u iznosu od. 140.000,00KM;Program podsticaja samozapošljavanja pripadnika branilačke populacije u iznosu od750.000,00KM, a što je bilo predmet Javnog poziva.

Napominjemo, da su podsticajna sredstava (mimo Javnog poziva) u ukupnom iznosu od 105.000,00 KM utrošena za:

- Programi podsticaja zapošljavanja FBiH (saradnja) u iznosu od100.000,00 KM;

Naime, Odlukom Vlade Kantona broj: 02-11-12012/22 od 04.08.2022.god. odobreno je učešće ZE-DO kantona u realizaciji „Projekta sufinansiranja zapošljavanja i

samozapošljavanja djece šehida/poginulih branilaca 2022“ (u daljem tekstu: Projekat), koji je donio Upravni odbor Federalnog zavoda aktom od 30.05.2022.god., s obavezom Ministarstvu za boračka pitanja za zaključenje sporazuma o međusobnoj saradnji. U tom smislu Sporazum o međusobnoj saradnji je i zaključen dana 30.05.2022.god. između Federalnog zavoda za zapošljavanje, Službe za zapošljavanje Zeničko-dobojskog i Vlade Zeničko-dobojskog kantona-Ministarstva za boračka pitanja, kojim je uspostavljena zajednička saradnja radi efikasne realizacije „Projekta“. Sporazumne strane su za realizaciju Projekta osigurale finansijska sredstva u ukupnom iznosu od 200.000,00 KM, od čega je Ministarstvo, kao i Zavod učestvovalo u iznosima od po 100.000,00 KM. Po tom osnovu ugovore o zapošljavanju potpisalo je ukupno 23 korisnika. U projektu su sudjelovala lica iz kategorije djece šehida/poginulih branilaca sa VSS, SSS i NK spremom prijavljeni na evidenciji nezaposlenih lica dan prije zaključivanja ugovora o radu s poslodavcem (zapošljavanje), a u slučaju pokretanja vlastite djelatnosti-lica koja se nalaze na evidenciji bez obzira na stepen obrazovanja i starosnu dob, kao i osobe koje su bile zaposlene po programima/projektima iz prethodnih godina, ali ne duže od tri godine.

- Finansiranje drugih mjera podsticaja u cilju egzistencijalnog obezbjeđenja u iznosu od 5.000,00 KM

Sredstva u navedenom iznosu Odlukom Ministarstva od 21.12.2022.god. realizovana su i uplaćena putem nadležne službe za pitanja branilačko-invalidske zaštite na račun krajnjeg korisnika u svrhu uplate neuplaćenih poreza i doprinosa (Firma u stečaju) radi penzionisanja, za što je izvršeno i pravdanje namjenskog utroška sredstava.

Javni poziv u 2022.god.

Za budžetsku 2022. godinu javni poziv za dodjelu podsticaja po Program podsticaja zapošljavanja pripadnika branilačke populacije putem zapošljavanja u pravnim licima i Program podsticaja samozapošljavanja pripadnika branilačke populacije objavljen je dana 29.03.2022. godine (nakon unošenja podataka o službi, bez drugih izmjena, javno i transparentno na oglasnim pločama gradova/općina i općinskih branilačkih udruženja), kao i na web stranici Kantona sa posljednjim danom za podnošenje zahtjeva po Javnom pozivu 28.04.2022.godine, te navođenjem potrebne dokumentacije.

Po tom osnovu ukupno je zaprimljeno i obrađeno **311** (tristotinejedanaest) zahtjeva od čega su 23 (dvadestri) zahtjeva za podsticaj zapošljavanju, 288 (dvijestotinosamdesetosam) zahtjeva za podsticaj samozapošljavanju, od čega: prvi biznis-81 (osamdesetjedan) zahtjev; biznis plus- (varijanta „A“-7 (sedam) zahtjeva i varijanta „B“-200 (dvijestotine) zahtjeva.

Na sjednici od 04.03.2022. godine Vlada Kantona usvojila je su navedene Programe podsticaja zapošljavanju/samozapošljavanju zaključcima o usvajanju Programa broj: 02-30-3535/22 i 02-30-3536/22 čime je stvoren pravni osnov za provođenje istih, odnosno realizaciju planiranih aktivnosti.

Program podsticaja zapošljavanju, kao i Programom podsticaja samozapošljavanju definisani su nosioci realizacije i saradnici programa, ciljevi programa i ciljne grupe, sredstava za realizaciju programa, način realizacije, obaveze nakon odobravanja sredstava, nadzor nad realizacijom programa, te završne odredbe.

Za saradnike u provedbi Programa određene su službe nadležne za pitanja branilačko-invalidske zaštite gradova/općina Kantona, privredni subjekti, kao i Zavod za zapošljavanje Zeničko-dobojskog kantona.

Ciljna grupa su pripadnici branilačke populacije iz člana 3. i 4. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14), odnosno pravo za podnošenje zahtjeva po programima mogli su/mogu ostvariti:

- Dobitnici ratnih priznanja i odlikovanja;
- Ratni vojni invalidi;

- Demobilizirani branioci, koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine osim lica koja su u OS pristupili kao maloljetni ili neposredno po punoljetstvu, a sa minimalno 12 mjeseci provedenih u OS RBiH;
- Djeca šehida/poginulih branilaca do 35 godina života, djeca umrlih RVI i djeca umrlih nosilaca najvećih ratnih priznanja, do navršene 30 godina života;
- Udovice šehida/poginulih branilaca, korisnice porodične invalidnine;
- Udovice ratnih vojnih invalida, korisnice porodične invalidnine;
- Djeca umrlih demobiliziranih branilaca koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koji su sa istim živjela u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života;
- Udovice umrlih demobiliziranih branilaca koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine i koja su sa istim živjela u braku najmanje dvije posljednje godine dana prije smrti;

U posebnim slučajevima ministar Ministarstva u ove programe može uključiti i posebne korisnike i to:

- Demobilizirane braniocice, koji su u Oružanim snagama RBiH proveli najmanje 12 mjeseci u periodu od 06.04.1992. do 23.12.1995. god., i
- Djecu demobiliziranih branilaca koja su u Oružanim snagama proveli najmanje 24 mjeseca u periodu od 06.04.1992. do 23.12.1995.god., do navršenih 25 godina života, pod uslovom da žive u zajedničkom domaćinstvu sa demobiliziranim braniocem;

Predmetna novčana sredstava posebnim korisnicima u slučaju zapošljavanja odobravana su u slučajevima: da opredjeljena novčana sredstava nisu utrošena; nedovoljnog broja odobrenih zahtjeva iz određene lokalne zajednice i u slučaju utvrđivanja teških socijalno-ekonomskih prilika u porodici podnosioca zahtjeva;

Predmetna novčana sredstava posebnim korisnicima u slučaju samozapošljavanja odobravana su u slučajevima: da je priloženi plan poslovanja ocjenjen kao profesionalan i perspektivan; da opredjeljenja novčana sredstava nisu utrošena; nedovoljnog broja odobrenih zahtjeva iz određene lokalne zajednice i u slučaju utvrđivanja teških socijalno-ekonomskih prilika u porodici podnosioca zahtjeva;

Program podsticaja zapošljavanju pripadnika branilačke populacije Zeničko-dobojskog kantona putem zapošljavanja u pravnim licima u 2022.godini (u daljem tekstu: Program podsticaja zapošljavanju)

Osnovni cilj Programa poticaja zapošljavanju je smanjenje stope nezaposlenosti, rješavanje egzistencijalnih pitanja, poboljšanje kvaliteta života pripadnika branilačke populacije. Nesporno je i da se na ovaj način doprinosi i poboljšanju ukupnih socijalno-ekonomskih prilika kako lokalnih zajednica, tako i Kantona u cjelini.

Programi poticaja zapošljavanju teže inicirati i potaći pripadnike branilačke populacije na samostalno i proaktivno djelovanje, u konkretnom slučaju aplikanti su samostalno birali privredne subjekte i javne organe sa ponudom za zapošljavanje, samostalno prikupljali potrebnu dokumentaciju, te od potencijalnog poslodavca dostavljali potvrde o urednom izmirenju poreza i doprinosa.

Postupak po podnesenim zahtjevima pripadnika branilačke populacije, a putem nadležnih gradskih/općinskih službi realizuje se odobravanjem novčanih sredstava privrednim subjektima i javnim organima sa područja Kantona na ime, odnosno u svrhu zapošljavanja pripadnika branilačke populacije u iznosima:

-7.200,00 KM po jednom novozaposlenom radniku za lica sa: NK, KV, SSS, VŠS;

-8.400,00 KM po jednom novozaposlenom radniku za lica sa: VVS;

Zapošljavanje po ovom programu *ne može trajati manje od 24 mjeseca*, osim u posebnim slučajevima predviđenim pozitivnim zakonskim propisima.

Kriteriji za dodjelu sredstava su:

a) Za pripadnike branilačke populacije:

- da se nalaze na evidenciji nezaposlenih osoba kod službe za zapošljavanje ZDK;
- zahtjev za sufinansiranje zaposlenja ne može podnijeti radi zasnivanja radnog odnosa - kod poslodavca u kojem mu je prestao radni odnos, izuzev ako je proteklo više od 3 mjeseca od prestanka istog;
- prebivalište na teritoriji ZDK u trajanju od najmanje 24 mjeseca prije podnošenja zahtjeva, osim povratnika u RS;
- izmirene porezne obaveze;

b) Za privredne subjekte:

- uredna registracija
- izmirene obaveze (direktni i indirektni porezi, doprinosi za penziono-invalidsko i zdravstveno osiguranje).

Program podsticaja zapošljavanju uz navedeno definisan je i postupak rada gradskih/općinskih komisija u postupku po apliciranim zahtjevima (prijem, pregled urednosti zaprimljenih zahtjeva, odlučivanje na sastancima, formiranje konačne liste, rad Komisije Ministarstva sa obavezama nakon odobravanja sredstava, kao i nadzor nad realizacijom Programa). Instrukcijom Ministarstva o provođenju Programa podsticaja zapošljavanja pripadnika branilačke populacije Zeničko-dobojskog kantona broj: 13/04-1-37-2979-2/22 od 04.03.2022. godine date su upute i pojašnjenja za pravilnu primjenu Programa.

Aplikanti za koje je utvrđeno da imaju urednu dokumentaciju po Programu pozvani su da preuzmu obrazce ugovora o zapošljavanju (Ministarstvo-grad/općina-poslodavac-pripadnik branilačke populacije) i dostave isti sa propisanom dokumentacijom poslodavcu u roku od deset dana. Samo kompletirani predmeti dostavljani su u Ministarstvo na dalje odlučivanje.

Program podsticaja samozapošljavanju pripadnika branilačke populacije Zeničko-dobojskog kantona (u daljem tekstu: Program podsticaja samozapošljavanju)

Osnovni cilj Programa poticaja samozapošljavanja je sufinansiranje dijela troškova i naknada vezanih za pokretanje predloženih poslovnih aktivnosti pripadnika branilačke populacije, kao i unapređenje postojećih poslovnih djelatnosti pokrenutih ranijim programima Ministarstva, a koji zadovoljavaju kriterije propisane Programom, odnosno javnim pozivom. I na ovaj način (kao i kroz programe zapošljavanja) doprinosi se poboljšanju ukupnih socijalno-ekonomskih prilika kako na lokalnom nivou, tako i nivou Kantona u cjelini.

Program podsticaja samozapošljavanja realizovan je kroz dvije opcije:

- „Prvi biznis“- po korisniku/podnosiocu zahtjeva u pojedinačnim iznosu od 8.000,00 KM u slučaju kada je podnosilac zahtjeva registrovao djelatnost ne ranije od 01.01.2021.god, a zaključno sa danom okončanja Javnog poziva po Programu;
- „Biznis plus“ sa varijantama: „A“ u pojedinačnom iznosu do 5.000,00 KM korisniku Programa podsticaja samozapošljavanju Ministarstva iz prethodnih godina, koji je od 01.01.2021.god. do okončanja Javnog poziva *zaposlio jednog ili više radnika* pod uslovima: da se sredstava ne mogu dodijeliti za zaposlenje lica za koje je aplikant ranije koristio ovo pravo i da se zaposleno lice vodilo na evidenciji nezaposlenih lica nadležne Službe za zapošljavanje najmanje dva mjeseca prije apliciranja po Programu „Biznis plus“, te varijanta „B“ u pojedinačnom iznosu od 1.000,00 KM za korisnike Programa podsticaja samozapošljavanju Ministarstva iz prethodnih godina, koji je *zadržao poresku registraciju i izmirio sve poreske obaveze* za 2021.god.;

Prednost za dodjelu ovih sredstava imali u aplikanti koji do sada nisu koristili sredstava po ovom osnovu. Napominjemo, da Program nije ograničio djelatnost kojom će se

korisnici baviti.

Kriteriji za dodjelu sredstava za „Prvi biznis“-lica koja su registrovala poslovnu djelatnost su:

- pripadnost branilačkoj populaciji,
- prebivalište na teritoriji ZDK u trajanju od najmanje 24 mjeseca prije podnošenja zahtjeva, osim povratnika u RS;
- izmirene poreske obaveze;
- registracija planirane poslovne aktivnosti (u periodu po Javnom pozivu);
- plan poslovanja (sa dokazima da aplikant poznaje planiranu poslovnu aktivnost sa stanovišta ulaganja, profita, tržišta, koji mora sadržavati pokazatelje sa opisom djelatnosti i predmeta poslovanja, ciljevima poslovanja, kao i planom prihoda, rashoda, poslovni rezultat i investiranje-tabelarni prikaz traženih parametara koji će sadržavati uvid u utrošak sredstava za koja aplicira);

Sredstva po ovom programu dodjeljivana su za djelatnost registrovanu pod određenim ID brojem samo jednom kandidatu iz jednog porodičnog domaćinstva, s napomenom da raniji korisnici sredstava po Programu „Prvi biznis“ nisu mogli aplicirati po ovom programu;

Kriteriji za dodjelu sredstava za „Biznis plus“-podrazumijevaju ranije korisnike Programa ovog Ministarstva (prvi biznisi pokrenuti u prethodnim godinama), koji su uz navedenu obavezu dokumentaciju za dodjelu sredstava podsticaja morali ispunjavati i kriterije:

„Biznis plus“-varijanta „A“-kriteriji:

-izmirene poreske obaveze (sa dokazom uvjerenje nadležne poreske o izmirenim poreskim obavezama za aplikanta i registrovanu djelatnost);

-zasnivanje radnog odnosa za jednog ili više radnika (sa dokazom da je lice koje se zapošljava bilo na evidenciji Službe za zapošljavanje prije stupanja u radni odnos, sa prilaganjem dokaza o prijavi osiguranja za zaposleno lice-obrazac JS 3100 i informaciji o uplaćenim doprinosima za lice koje je zaposleno-obrazac JS 3650);

-uspješno učešće u prethodnim projektima Ministarstva (sa dokazom-uvjerenje nadležne gradske/općinske službe o učešću u prethodnim projektima Ministarstva);

-potvrdom o kretanju (za lice koje zapošljava-obrazac MUP-a PBA-4A)

„Biznis plus“-varijanta „B“-kriteriji:

-aktivna registracija poslovne djelatnosti (izvod iz registra poslovnih subjekata nadležne porezne uprave kao dokaz o aktivnoj registraciji djelatnosti);

-izmirene poreske obaveze (uvjerenje o izmirenim poreskim obavezama za podnosioca zahtjeva i registrovanu djelatnost);

-uspješno učešće u prethodnim projektima Ministarstva (uvjerenje nadležne gradske/općinske službe o učešću u prethodnim projektima zapošljavanja i samozapošljavanja Ministarstva);

Podnosilac zahtjeva mogao je aplicirati samo za jedno od varijanti ili „A“ ili „B“. Ukoliko je aplikant dijete demobiliziranog branioca isti je bio obavezan dostaviti dokaz o srodstvu sa pripadnikom branilačke populacije, kao i supruga umrlog demobiliziranog branioca-dokaz izvod iz matične knjige umrlih.

Instrukciji o provođenju Programa podsticaja samozapošljavanja broj:13/04-1-37-2980-2/22 od 23.03.2022. godine date su upute i pojašnjenja za pravilnu primjenu Programa u smislu ispravnog i jednoobraznog provođenja postupka ostvarivanja prava na ovaj vid pomoći.

Općinske/gradske komisije imenovane za provođenje Programa podsticaja samozapošljavanja mogle su po potrebi izvršiti terensku provjeru podnesenih zahtjeva uz izradu zapisnika i fotografija.Ministarstvo je zadržalo pravo tražiti dopunu dokumentacije ili nove dokaze od podnosioca zahtjeva, a u svrhu dokazivanja opravdanosti predmetnog zahtjeva

Lista uspješnih kandidata (po oba Programa) objavljene su na općinskim/gradskim

oglasnim pločama s mogućnošću ulaganja prigovora (preispitivanje liste), a nadležne gradske/općinske službe bile su *dužne da u roku od 30 dana*, od dana zatvaranja Javnog poziva po programima Ministarstvu dostave liste urednih zahtjeva zajedno sa spisima predmeta.

U nastavku iznosimo tabelarne preglede:

Tabela 1.-Struktura podneseni zahtjeva prema programima podsticaja po gradovima/općinama Kantona;**Tabela 2.**-Struktura podnesenih/odobrenih/odbijenih zahtjeva po gradovima/općinama Kantona;**Tabela 3.**-Pregled iznosa odobrenih sredstava po programima i općinama/gradovima Kantona (Program zapošljavanja+ Program samozapošljavanja/po varijantama/);**Dijagram 1.**- Struktura odobrenih sredstava prema programima podsticaja; **Tabela 4.**-Struktura odobrenih zahtjeva po kategorijama korisnika i općinama/gradovima Kantona;**Dijagram 2.**- Struktura odobrenih sredstava po kategorija korisnika programima podsticaja;

-Tabela 1. Struktura podnesenih zahtjeva prema Programima podsticaja po gradovima/općinama

KantonaOpćina	Program zapošljavanja	Program samozapošljavanja			Ukupno
		“Prvi biznis”	“Biznis plus- var.,,A”	“Biznis plus- var.,,B”	
Breza	2	1	0	0	3
Doboj Jug	1	0	0	8	9
Kakanj	0	6	0	10	16
Maglaj	2	21	0	42	65
Olovo	5	1	0	2	8
Tešanj	3	8	2	64	77
Usora	3	3	0	12	18
Vareš	0	2	0	0	2
Visoko	1	13	2	19	35
Zavidovići	1	9	2	8	20
Zenica	3	13	1	26	43
Žepče	2	4	0	9	15
Ukupno	23	81	7	200	311

-Tabela 2.-Struktura podnesenih/odobrenih/odbijenih zahtjeva po gradovima/općinama Kantona


Općina/ Grad	Program zapošljavanja			Program samozapošljavanja									Ukupno		
	ukup no zahtj eva	OD OB RE NO	odb ijen o	“Prvi biznis”			“Biznis plus- var.,,A”			Biznis plus- var.,,B”			kupn o zahtj eva	ODOB RENO	Odbi jeno
				uku pno zah tjev	ODO BRE NO	odbij eno	uku pno zah tjev	ODO BRE NO	odb ijen o	ukup no zahtj eva	ODO BRE NO	od bi je no			
Breza	2	2	0	1	1	0	0	0	0	0	0	0	3	3	0
Doboj Jug	1	1	0	0	0	0	0	0	0	8	7	1	9	8	1
Kakanj	0	0	0	6	5	1	0	0	0	10	9	1	16	14	2
Maglaj	2	2	0	21	17	4	0	0	0	42	40	2	65	59	6

Olovo	5	3	2	1	1	0	0	0	0	2	2	0	8	6	2
Tešanj	3	2	1	8	7	1	2	2	0	64	63	1	77	74	3
Usora	3	2	1	3	3	0	0	0	0	12	11	1	18	16	2
Vareš	0	0	0	2	2	0	0	0	0	0	0	0	2	2	0
Visoko	1	1	0	13	12	1	2	2	0	19	19	0	35	33	2
Zavidovići	1	1	0	9	8	1	2	2	0	8	6	2	20	17	3
Zenica	3	2	1	13	10	3	1	0	1	26	26	0	43	37	6
Žepče	2	2	0	4	3	1	0	0	0	9	8	1	15	13	2
Ukupno	23	18	5	81	69	12	7	6	1	200	191	9	311	282	29

-Tabela 3.-Pregled iznosa odobrenih sredstava po programima i općinama/gradovima Kantona (Program zapošljavanja+ Program samozapošljavanja/po varijantama/)

Grad/Općina	Program zapošljavanja iznosi u KM		Program samozapošljavanja iznosi u KM			Ukupno sredstava u KM
	NK,KV,SSS,VŠS	VSS	“Prvi biznis”	“Biznis plus- A”	“Biznis plus- B”	
Breza	14.400,00	0	8.000,00	0	0	22.400,00
Doboj Jug	7.200,00	0	0	0	7.000,00	14.200,00
Kakanj	0	0	40.000,00	0	9.000,00	49.000,00
Maglaj	14.400,00	0	136.000,00	0	40.000,00	190.400,00
Olovo	21.600,00	0	8.000,00	0	2.000,00	31.600,00
Tešanj	14.400,00	0	56.000,00	8.000,00	63.000,00	142400,00
Usora	14.400,00	0	24.000,00	0	11.000,00	49.400,00
Vareš	0	0	16.000,00	0	0	16000,00
Visoko	7.200,00	0	96.000,00	8.000,00	18.000,00	129.200,00
Zavidovići	7.200,00	0	64.000,00	6.000,00	6.000,00	84200,00
Zenica	7.200,00	8.400,00	80.000,00	0,00	26.000,00	124.600,00
Žepče	14.400,00	0	24.000,00	0	8.000,00	46.000,00
Ukupno	122.400,00	8.400,00	552.000,00	22.000,00	190.000,00	894.800,00

Dijagram 1.- Struktura odobrenih sredstava prema programima podsticaja




Zapošljavanje	Prvi biznis	Biznis plus-var.,A"	Biznis plus-var.,B"	Ukupno
130.800	552.000	22.000	190.000	894.800
15%	62%	2%	21%	100%

-Tabela 4.-Struktura odobrenih zahtjeva po kategorijama korisnika i gradovima/općinama Kantona

Općina	Zapošljavanje-18korisnika				Samozapošljavanje													Ukupno
					“Prvi biznis”-69 korisnika					“Biznis plus-A”-6 korisnika				“Biznis plus-B”-190 korisnika				
	DB	DD B	DUR VI	DU DB	DB	DDB	RVI	DUD B	PP B	DB	PPB	RV I	DU DB	DB	PPB	RVI	DU DB	
Breza	2	0	0	0	0	1	0	0	0	0	0	0	0	0	0	0	0	3
Doboj Jug	1	0	0	0	0	0	0	0	0	0	0	0	0	7	0	0	0	8
Kakanj	0	0	0	0	4	0	0	1	0	0	0	0	0	6	0	2	1	14
Maglaj	2	0	0	0	12	1	1	2	1	0	0	0	0	39	1	0	0	59
Olovo	1	1	0	1	1	0	0	0	0	0	0	0	0	2	0	0	0	6
Tešanj	2	0	0	0	7	0	0	0	0	1	0	1	0	58	1	4	0	74
Usora	1	1	0	0	3	0	0	0	0	0	0	0	0	11	0	0	0	16
Vareš	0	0	0	0	0	1	0	1	0	0	0	0	0	0	0	0	0	2
Visoko	0	1	0	0	7	3	1	0	1	2	0	0	0	14	1	1	2	33
Zavidović	1	0	0	0	4	2	1	0	1	2	0	0	0	5	1	0	0	17
Zenica	1	0	1	0	9	0	0	0	1	0	0	0	0	22	1	3	0	38
Žepče	2	0	0	0	3	0	0	0	0	0	0	0	0	6	0	1	1	13
UKUPNO	13	3	1	1	50	8	3	4	4	5	0	1	0	170	5	11	4	283

Kategorije: DB – demobilizirani branioци; PPB – članovi porodica poginulih branilaca/šehida; RVI – ratni vojni invalidi; DUDB – djeca umrlih demobiliziranih branilaca; DURVI – djeca umrlih ratnih vojnih invalida; DDB – djeca demobiliziranih branilaca;

Dijagram 2.- Struktura odobrenih sredstava po kategorija korisnika programima podsticaja;



IV. NADZOR NAD REALIZACIJOM PROGRAMA

Odredbama Programa podsticaja zapošljavanju, kao i Programa podsticaja samozapošljavanju definisano je da Ministarstvo vrši nadzor nad realizacijom u bilo koje vrijeme trajanja postupka.

Instrukcijom Ministarstva o provedbi Programa podsticaja zapošljavanja pripadnika branilačke populacije (pod naprijed navedenim brojem i datumom), općinske/gradske službe branilačko-invalidske zaštite bile su dužne nakon potpisivanja ugovora o zapošljavanju kontinuirano izvršavati obaveze predviđene ugovorom i to: pratiti izvršenje ugovora od strane poslodavca, koji je u obavezi tokom trajanja ugovornog odnosa dostavljati kvartalno gradskoj/općinskoj službi specifikacije plata ovjerene od strane Porezne uprave Federacije BiH, platne liste za sufinansiranu osobu, uplatnice za pojedinačne isplate plata, a u slučaju zbirne uplate plata dostavljati kopije izvoda iz banke iz kojih je vidljiva isplata pojedinačnih plata za sufinansiranu osobu; isplatiti poslodavcu ugovoreni iznos sredstava nakon što utvrdi ispunjenost uslova za isplatu (za korisnike koji su ugovor o zapošljavanju sklopili u toku mjeseca, nije sklopljen 01. u mjesecu), a poslodavac je uredno dostavio dokaz o prijavi i isplati bruto plate, poslodavcu se vršila isplata sredstava za taj mjesec u cjelokupnom iznosu.

Ministarstvo je vršilo nadzor nad realizacijom Programa zapošljavanja putem pravdanja sredstava od strane općinskih službi.

Prema odredbama Programa podsticaja samozapošljavanju, kao i Instrukciji o primjeni

iste u Odlukama o odobravanju sredstava naznačena je obaveza-„Prvi biznis“ članom 3. naloženo je korisnicima podsticaja dostavljanje Specifikacije uz uplatu doprinosa poduzetnika (Obrazac 2002) do isteka ugovornog odnosa. Općinske službe branilačko-invalidske zaštite dužne su zaprimati navedene specifikacije, te isplatiti sredstva u tri rate nakon dostavljanja navedenih specifikacija a u slučaju nedostavljanja istih od strane korisnika o istome odmah obavijestiti Ministarstvo.

Kada je riječ o programu „Biznis plus“ a kao i za program „Prvi biznis“ Ministarstvo zadržava pravo nadzora nad provođenjem Programa, odnosno utroška sredstava iz ovog Ugovora i to: provjerom statusa sufinansirane osobe u bazi podataka Porezne uprave Federacije BiH kojom će se pratiti obaveza održavanja zapošljavanja u predviđenom roku, kontrolom izvještaja službi branilačko-invalidske zaštite gradova/općina, a prema potrebi i terenskom kontrolom provođenja ugovornih obaveza kod korisnika.

U slučaju nedostatka sredstava po ovim programima a postojanja zahtjeva koji ispunjavaju propisane uvjete, isti se prioritetno rješavaju u narednoj budžeskoj godini uz saglasnost korisnika. Korištenjem sredstava podsticaja putem ovog Ministarstva nije onemogućeno korištenje sredstava programa podsticaja drugih organa, koji provode programe za ove namjene.

V. ZAKLJUČNA RAZMATRANJA

Sredstva koja su u Budžetu Kantona u 2022. godine planirana na razdjelu Ministarstva „Transfer za podsticaj zapošljavanju branilaca i članova njihovih porodica“ u iznosu od 1.000.000,00 KM utrošena su u procentu **99%** u iznosu od **999.800,00KM**, odnosno 100 % . Nesporno je da je utrošak opravdao svoju svrhu u punom smislu i značenju.

Raspored-pokazatelj utroška sredstava po vrsti podsticaja su:

- „Program podsticaja zapošljavanju“ sredstava u iznosu od 130.800,00KM za zapošljavanje 18 korisnika;
- „Program podsticaja samozapošljavanja „Prvi biznis“ sredstva u iznosu od 552.000,00KM za 69 korisnika;
- Program samozapošljavanja „Biznis plus-varijanta A“ sredstava u iznosu od 22.000,00 KM za 7 korisnika , a zapošljavanje 10 lica;
- Program samozapošljavanja „Biznis plus-varijanta B“ sredstva u iznosu od 190.000,00 KM za dodjelu sredstava podsticaja za 190 korisnika;
- Program podsticaja zapošljavanja FBiH-saradnja sredstva u iznosu od 100.000,00 KM
- Finansiranje drugih mjera podsticaja u cilju egzistencijalnog obezbjeđenja sredstva u iznosu od 5.000,00 KM

Ukupno..... 999.800,00 KM

Iz navedenoga je vidljiva i uspješnost realizacije ovakvih vrsta projekata, što svakako podrazumijeva potrebu nastavka, razvoja, pa i nadograđivanja u narednom periodu. To je jedino moguće uz mjere na stvaranju povoljnijeg poslovnog ambijenta kako na području Kantona tako i šire, te iniciranje i određenih stimulativnih mjera u tom smislu posebno za ovu kategoriju pripadnika branilačke populacije.

Zenica, april 2023. godine

MINISTAR

Adnan Sirovica